

Politiska popjelna srjeda znowa k wuměnje wabiła Předewzaća na čěže skedźbnili

Budyšin (SN/BŠe). Mjezsobna wuměna informacijow steješe tež lětsa zasow srjedźišću politiskeje popjelneje srjedy, na kotruž bě zapósłanc Sakskeho krajneho sejma Marko Šiman prosył. Jako čěžišćo bě sej wón lětsa tři stacije wupytał. Přenja wjedžeše politikarjow, mjez kotrymiž běchu měšćanosta Christian Schramm a krajny rada wokrjesa Budyšin Michael Harig kaž tež zapósłanc krajneho sejma Alojs Mikławš a zapósłanča zwjazkoweho sejma Marja Michalkowa (wšitcy CDU), pod hesłom „sakske rjemjesło dožiwić“ do Budyskeje Neumann-pjekarnje. Pola mějícíela Lutza Neumanna, kiž je zdobom Budyski mišter zjednoćenstwa pjekarjow, wobhonichu so wo aktualnym položěnju rjemjesła. Neumann skedźbni na dale a wjetše problemy rosćacych tepjenskich a energijowych pláćiznow dla. Wón je sej tohodla wosebite tepjenje zatwarić dał, kotrež zamóže z tepjenja tež milinutworić. Z alternatiwnej techniku zamóže mjeztym 30 procentow kóštow lutować.

Dalša stacija politika-

rjow „inowacija a tradicija“ bě Łužiska čišćernja, hdžež tež SN čišća. Marko Šiman pokaza tu na jenož hišće dvě čišćerni z něhdy džesać w sprjewinym měsće. Zo zaruča nowa technologija wubědźowanjakmanosć, wo tym móžachu so hosćo tu přeswědčić. Naposledk steješe pod hesłom „kwalitatiwne wukubłanje twarskich fachowych mocow“ wopyt w nadzawodnym wukubłanskim centrumje na planje. Wšitcy běchu sej přezjedni, zo měli so tež čí, kotřiž nimaja runjewon dobre šulske wotzamknjenje, powołansce kwalitatiwnje spěchować.



Sobudźelaćer Łužiskeje čišćernje Michael Hanisch rozjasnja politikarjam technologiju předewzaća. Foće: SN/M.Bulank